



Broj: 01-181/15
Vareš, 30.11. 2015. godine

Na osnovu člana 5. stav 4 Zakona o koncesijama („Službene novine Federacije BiH“ br.40/02 i 61/06) i članova 8. i 56. Zakona o principima lokalne samouprave (Sl. novine FBiH br. 49/06) člana 95. Statuta općine Vareš, (prečišćeni tekst) broj: 01-162/12 od 11.09.2012. godine, a u vezi sa članom 100. Poslovnika o radu Općinskog vijeća Vareš (prečišćeni tekst) br.01-109/09 od 29.04.2009. godine, a postupajući po zahtjevu Ministarstva za poljoprivredu, šumarstvo i vodoprivredu Zeničko-dobojskog kantona br. 05-25-6786-1/15 od 30.09.2015. godine, Općinsko vijeće Vareš, na 31. sjednici održanoj 30.11.2015. godine, d o n o s i:

ZAKLJUČAK

I

Daje se saglasnost za provođenje postupka dodjele koncesije za korištenje izvora „Radakovica“, MZ Borovica, općina Vareš za namjenu flaširanja prirodne izvorske vode u količini od 0,5 l/s.

Predmetni resurs – izvor „Radakovica“, nema utvrđenu drugu namjenu niti javni interes da se koristi za druge potrebe te nema smetnji da se koristi za flaširanja prirodne izvorske vode.

Takođe sa aspekta prostorno planske dokumentacije nema smetnji za zahvatanje izvorske vode jer se obezbjeđuje biološki minimum i život u vodotoku niže vodozahvata.

II

U svim aktivnostima dodjele koncesije i izrade koncesionog ugovora aktivno će biti uključena lokalna zajednica, a sve u skladu sa članom 56. Zakona o principima lokalne samouprave.

Predstavnik lokalne zajednice u aktivnostima iz stava 1. imenuje Općinsko vijeće Vareš.

Ukoliko zahtjevi lokalne zajednice ne budu ispoštovani, zaključak će biti automatski stavljen van snage.

III

Koncesionar koji u postupku javnog prikupljanja ponuda bude izabran kao najpovoljniji obavezan je prikupiti sve potrebne saglasnosti i dozvole prije potpisivanja koncesionog ugovora.

IV

Zaključak se dostavlja Ministarstva za poljoprivredu, šumarstvo i vodoprivredu Zeničko-dobojskog kantona na daljnje postupanje.

Ovaj Zaključak stupa na snagu danom donošenja.

PREDSJEDAVAJUĆI
OPĆINSKOG VIJEĆA

Zdravko Marošević

OBRAZLOŽENJE

Ministarstvo za poljoprivredu, šumarstvo i vodoprivredu Zeničko-dobojskog kantona je uputilo dopis br. 05-25-6786-1/15 od 30.09.2015. godine na Općinsko vijeće i Općinskog načelnika u kojem se traži saglasnost za provođenje postupka dodjele koncesije za korištenje izvora „Radakovica“, koji se nalazi na području općina Vareš za namjenu flaširanja prirodne izvorske vode, na osnovu zahtjeva od strane obrtničke djelatnosti „KRALJEVSKA“, Sarajevo vlasnika g-dina Maje Marilovića. Uz dopis je dostavljeno: uvjerenje o poreskoj registraciji, rezultati ispitivanja vode, projektno zadatak izgradnje proizvodnog objekta punionice za flaširanje izvorske vode „Kraljevska“ sa izvorišta „Radakovica“, Odluka o vodozaštitnim zonama izvorišta vode za piće za grad Kakanj sa rijeke Bukovice, vodozahvat Bukovica, rješenje o prethodnoj vodnoj saglasnosti izdato od strane Općine Vareš, zemljišno-knjižni i izvadak parcele na kojoj se nalazi izvor.

U postupku rješavanja predmetnog zahtjeva u skladu sa odredbama Zakona o koncesijama („Službene novine Zeničko-dobojskog kantona“ broj:5/03) Ministarstvo je dužno prije pokretanja postupka pribaviti suglasnost Općinskog vijeća nadležne Općine na osnovu člana 1. Zakona o dopunama zakona o koncesijama(Sl. novine FBiH br. 61/06) i članova 8. i 56. Zakona o principima lokalne samouprave(Sl. novine FBiH br. 49/06), prema kojem Općinsko vijeće ima nadležnost da vrši politiku upravljanja prirodnim resursima i raspodjelu sredstava ostvarenih na osnovu njihovog korištenja na teritoriju koji je definisan općinskim granicama. Izvorište „Radakovica“ se nalazi na području MZ Borovica. Prilaz je šumskim putem dužine cca 800 metara. od crkve u Gornjoj Borovici.

Prema mjerenjima koja su vršena kapacitet izvora je 1,1-3,6 l/s a posljednje mjerenje je vršeno 18.09. 2015. godine i izmjerena izdašnost izvora je 1,1l/s nakon višemjesečnog sušnog perioda te se smatra da je ovaj izvor stabilan i pouzdan.

Potencijalni investitor ima namjeru na ovom području izgraditi proizvodni objekat za punjenje flaširane vode i aromatizirane vode sa prirodnim limunom sa izvorišta „Radakovica“. Procjena visine investicije u ovaj objekat iznosi cca 1.050.000,00 KM.

Izgradnja ovoga objekta ima pozitivan uticaj na mogućnost daljnjeg razvoja općine kao i ostvarivanje prihoda od koncesije te se predlaže Općinskom vijeću da usvoji zaključak u predloženom obliku.

**PREDLAGAČ
OPĆINSKI NAČELNIK**

Avdija Kovačević, dipl. pravnik